

Na osnovu člana 54. Zakona o visokom obrazovanju Hercegovačko-neretvanskog kantona („Službene novine HNK“; broj: 4/12) i člana 36. Statuta, Senat Victoria International University, na sjednici održanoj dana 21.09.2023. godine, donio je:

**P R A V I L N I K**  
**O NAGRADAMA I PRIZNANJIMA NA VICTORIA INTERNATIONAL**  
**UNIVERSITY**

**I OPĆE ODREDBE**

**Član 1.**

Pravilnikom o priznanjima i nagradama na Victoria International University (u daljnjem tekstu: Pravilnik) utvrđuju se naziv i izgled priznanja i vrste nagrada, koje dodjeljuje Victoria International University (u daljnjem tekstu: Univerzitet), postupak dodjele priznanja i nagrada i kriteriji za dodjelu, evidenciju i čuvanje dokumentacije.

**Član 2.**

(1) Univerzitet dodjeljuje nagrade i priznanja svojim zaposlenicima, studentima, te fizičkim i pravnim osobama van Univerziteta.

(2) Priznanja i nagrade Univerziteta dodjeljuju se:

- a) Domaćim i stranim, fizičkim i pravnim licima za značajan doprinos za unapređenje rada, razvoj i promociju Univerziteta,
- b) Domaćim i stranim, fizičkim i pravnim licima za posebno istaknut doprinos u razvoju znanosti i visokog obrazovanja, a pogotovo ako je taj doprinos ugrađen u ustroj i razvoj studija na Univerzitetu.

(3) Zaposlenicima Univerziteta uz nagrade i priznanja, mogu se dodijeliti i novčane nagrade. Nagrade Univerziteta u pravilu se dodjeljuju na Dan Univerziteta, tokom godišnjica, a mogu se dodjeljivati i na svečanim promocijama studenata i drugim prigodnim svečanostima.

**Član 3.**

Priznanja Univerziteta uručuje rektor Univerziteta.

**II PRIZNANJA I NAGRADE UNIVERZITETA I KRITERIJ ZA DODJELU PRIZNANJA FIZIČKIM I PRAVNIM LICIMA VAN UNIVERZITETA**

**Član 4.**

Priznanja i nagrade Univerziteta su:

- a) Velika zlatna plaketa dodjeljuje se domaćim i stranim, fizičkim i pravnim licima, koji su obnašajući dužnost na koje su izabrani na poseban način zastupali interese Univerziteta.

- b) Mala zlatna plaketa dodjeljuje se domaćim i stranim fizičkim i pravnim licima izvan Univerziteta za doprinos u radu Univerziteta.
- c) Velika srebrna plaketa, dodjeljuje se zaposlenicima Univerziteta za naročite uspjehe u radu i drugim aktivnostima od interesa za Univerzitet.
- d) Mala srebrna plaketa, dodjeljuje se zaposlenicima za razvoj kvalitete i studentskog standarda.
- e) Zahvalnica Univerziteta dodjeljuje se za dugogodišnji uspješan rad članova akademskog i neakademskog osoblja Univerziteta, te za doprinos u radu ili razvoju Univerziteta.
- f) Ambasador Univerziteta dodjeljuje se zaposlenicima Univerziteta za razvoj međunarodne saradnje i mobilnosti.
- g) Novčana nagrada Univerziteta dodjeljuje se zaposlenicima Univerziteta za neprekidan radni staž na Univerzitetu.

#### **Član 5.**

U skladu s općim kriterijima za dodjelu priznanja i nagrada, navedenim u članu 4. Pravilnika, fizička i pravna lica moraju ispuniti dodatne kriterije i to:

- Angažiranost u naučno-istraživačkoj djelatnosti (projekti, konferencije, okrugli stolovi),
- Učestvovanje u promociji Univerziteta (vannastavne aktivnosti, i sl.),
- Poseban doprinos u razvoju nauke,
- Učestvovanje u razvoju kvalitete Univerziteta,
- Učestvovanje u razvoju Univerziteta.

### **III IZGLED PRIZNANJA UNIVERZITETA**

#### **Član 6.**

Velika zlatna plaketa, štampa se na kvalitetnom papiru dimenzija 14\*18,5 cm, a njen sadržaj čine: naziv i znak Univerziteta, naziv priznanja, ime i prezime primatelja, broj i datum izdavanja, te potpis rektora i pečat Univerziteta.

#### **Član 7.**

Mala zlatna plaketa, štampa se na kvalitetnom papiru dimenzija 14\*20 cm, a njen sadržaj čine: naziv i znak Univerziteta, naziv priznanja, ime i prezime primatelja, odnosno naziv pravnog lica, broj i datum izdavanja, te potpis rektora i pečat Univerziteta.

#### **Član 8.**

Velika srebrna plaketa, štampa se na kvalitetnom papiru dimenzija 15\*20 cm, a njen sadržaj čine: naziv i znak Univerziteta, naziv priznanja, ime i prezime primatelja, broj i datum izdavanja, te potpis rektora i pečat Univerziteta.

#### **Član 9.**

Mala srebrna plaketa, štampa se na kvalitetnom papiru dimenzija 14\*18,5 cm, a njen sadržaj čine: naziv i znak Univerziteta, naziv priznanja, ime i prezime primatelja, broj i datum izdavanja, te potpis rektora i pečat Univerziteta.

#### **Član 10.**

Zahvalnica Univerziteta štampa se na papiru dimenzija 60\*45 cm, a sadržaj čine: naziv i znak Univerziteta, naziv priznanja, ime i prezime fizičke osobe odnosno naziv pravnog lica, kratko obrazloženje o dodjeli priznanja Zahvalnice Univerziteta, broj i datum izdavanja, te potpis rektora i pečat Univerziteta.

#### **Član 11.**

Priznanje Ambasador Univerziteta štampa se na papiru dimenzija 59,4\*42 cm, a sadržaj čine: naziv i znak Univerziteta, naziv priznanja, ime i prezime fizičke osobe odnosno naziv pravnog lica, kratko obrazloženje o dodjeli priznanja Ambasador Univerziteta, broj i datum izdavanja, te potpis rektora i pečat Univerziteta.

#### **Član 12.**

Novčana nagrada Univerziteta dodjeljuje se zaposlenicima Univerziteta za navršenih 10 ili 20 godina neprekidnog rada. Novčana nagrada, dodjeljuje se zaposlenicima Univerziteta, koji su u radnom odnosu na neodređeno i punom radnom vremenu.

### **IV POSTUPAK DODJELE PRIZNANJA UNIVERZITETA**

#### **Član 13.**

Prijedlog za pokretanje postupka dodjele priznanja Univerziteta isključivo predlaže Nastavno-naučno vijeće fakulteta/organizacione jedinice.

Prijedlog za pokretanje postupka upućuje se u pisanom obliku Komisiji za dodjelu nagrada i priznanja Univerziteta.

#### **Član 14.**

Prijedlog za dodjelu priznanja Univerziteta fizičkom licu obavezno sadrži:

- a) Biografiju (CV),
- b) Opis njegovog nastavnog, naučnog i javnog rada,
- c) Obrazloženje doprinosa na kojem se temelji prijedlog.

Prijedlog za dodjelu priznanja Univerziteta pravnom licu obavezno sadrži:

- a) Naziv i sjedište,
- b) Djelatnost,
- c) Obrazloženje doprinosa na kojem se temelji prijedlog.

#### Član 15.

Senat Univerziteta donosi konačnu odluku o dodjeli priznanja Univerziteta na osnovu izvještaja Komisije za dodjelu nagrada i priznanja Univerziteta.

#### Član 16.

Rektor Univerziteta odlučuje o posthumnom dodjeljivanju nagrada i priznanja. Za realizaciju ove aktivnosti nije mu potrebno prethodno mišljenje Komisije za dodjelu priznanja i nagrada Univerziteta.

### V KOMISIJA ZA DODJELU NAGRADA I PRIZNANJA

#### Član 17.

- 1) Komisiju za dodjelu nagrada i priznanja Univerziteta čine:
  - a) Rektor, koji je po funkciji i predsjednik komisije,
  - b) Dekani organizacionih jedinica,
  - c) Predstavnik Studentskog parlamenta,
  - d) Mandat komisije traje četiri godine, izuzev mandata predstavnika Studentskog parlamenta čiji mandat traje jednu godinu.
- 2) Evidenciju, kao i stručne i administrativne poslove dodjele nagrada i priznanja obavlja generalni sekretar Univerziteta.

### VI ZAVRŠNE ODREDBE

#### Član 18.

Izmjene i dopune ovog Pravilnika donose se na način i po postupku utvrđenom za njegovo donošenje.

#### Član 19.

Ovaj Pravilnik stupa na snagu osmog dana od dana objave na oglasnoj ploči Victoria International University.



Predsjedavajući Senata  
Victoria International University  
*[Signature]*  
prof. dr. Mato Živković

Broj: S-226/23  
Mostar, 21.09.2023. godine